



Al-Kitab untu' Ana'-ana' Memperssembahkan

Riwettuna Puangngé pancajiwi seuwa-seuwaé



Parokina Iyanaritu: Edward Hughes
Pa'gambarana iyanaritu: Byron Unger; Lazarus
Pengadaptasinna iyanaritu: Bob Davies; Tammy S.
Penterjemana iyanaritu: Armin Sukri
Paproduksina iyanaritu: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2011 Bible for Children, Inc.

Ijin: Weedimmua rilemba iyaré curitaé iyakiya de' nawedding ri balu'.


1

Niga pancajiki? Al-kitab, iyanaritu ada-adanna
Allataala, napalettukekki' passaleng pammula-
mulanna tau linoé. Riolopa éttana, Allataala purai
napancaji rupatau kaminang marioloé, nainappa
nawéréngngi aseng Adam. Allataala
napancajiwi Adam pole
ri awu tanaé.




2

Riwettunna Allataala nasseppungeng nyawa atuwongngé lao ri Adam, mancajini wedding tuwo. Naruntu'i aléna engka risédidié dare' kaminang makessingngé ri aseng Eden.



3


Ridé'napa Allataala napancajiwi Adam, Aléna napancajiwi seddi lino makessing sibawa lise'na. Taccé'de'-cé'de' Allataala napancajiwi bulu' sibawa lombo'é, makkalarupang bunga-bunga sibawa batang-batang aju iya matanré, manu'-manu', rupa-rupa awani, balé loppo, enrengngé topa



olokolo' pada-padaé bojo.


4

Makkuwanaro, Allataala napancajiwi sininna seuwa-seuwaé.



5


Ripammula-mulanna, ridénapa Allataala pancajiwi seuwa-seuwaé, de'gaga laingngé sangadinna Allataala. De'gaga rupa tau iyaréga onrong. Lo'bang! De'gaga tajang iyaréga kalemmeng. De'gaga ménré' kuwaétopa nonno'. De'gaga baja iyaréga sangadi. Allataala aléna iya de'gaga pammulangenna. Nainappa Allataala mappancajiwi!



Ripammula-mulanna, Allataala napancajiwi langi'é sibawa linoé.


6

Ripammulanna linoé dé'pa nakkérupe sibawa sigaru-garu mupi. Sibawa nassanraiwu pettang kape'. Nakke'dana Allataala. "Ancajino Tajang."




7

Naengkana Tajang. Naasenni Allataala iyaro tajangngé Esso sibawa pettangngé Wenni. Nalabe'na wennié, nacompona élé'é. Iyanaro esso makaseddié.



8

Ri esso makaduwaé, Allataala natiwi'ni sininna uwaíé tasi'é, salo sibawa tapparengngé lao riyawana langié. Ri esso makatellué, makkeda na Allataala, "lappessanni engka pottanang." Namancajina makkuwaro.



9

Allataala napanréntangngi iyamanenna wellaé sibawa bunga-bungaé sibawa aju-kajungé cumpa maneng. Na cumpa manenna sining seuwaéro.

Nalabe'na wennié, nacompona él'é. Iyanaro esso makatellué.




10

Na Allataala napancajiwi mata essoé, sibawa kétengngé, makkuatopa wéttowéngngé iya senna maégana terullé ri rékeng.




11

Olo-kolo' ri uwaiyé sibawa balé, manu'-manu' pura maneng napancaji Allataala. Ri esso makalimaé, Allataala napancajiwi sininna balé loppoé makkuwatopa baiccu'é. Manu'-manu' maloppoé sibawa makarenni'é. Makkuwaniro Allataala napancajiwi sininna rupa balé untu' liseriwi uwaiyé sibawa maéga rupanna manu'-manu' liseriwi tanaé sibawa langi'é. Nalabe'na wennié, nacompona él'é. Iyanaro esso makalimaé.



12

Ripuranana iyaro, Allataala makkedai paimeng. "Lappessanni linoé pacumpa maneng iya sininna tuwoé." Iyamaneng olokolo'é sibawa sarangnga engka manenni cumpa, pada-pada Gajah, lancéng, buaja. Alati baiccu'é sibawai tupai. Jarapa kuwaétopa meong. Makkuwaniro Allataala napancaji manengngi sininna rupa olokolo'é iyaro essoé. Nalabe'na wennié, nacompona él'é. Iyanaro esso makaennengngé.



13

Allataala pancajiwi seddi anu malaingngé ri esso makaennengngé. Pura manengni tassadia untu' rupatauwé. Engkana inanré ri padangngé sibawa olokolo' untu' tulungngi. Makkedani Allataala,

Lappessanni' pancaji rupatau pada-pada Aléta muto. Makuasai mennang lao ri sining seuwa-seuwaé iya engkaé ri linoé. Makkuwaniro Allataala napancajiwi rupatauwé pada-pada Aléna muto.



14

Makkedana Allataala lao ri Adam. "Anréni sininna muéloriyé iya engkaé ri dare'éro. Iyakiya aja' mucoba-cobawi manréi buwa polé ri pong aju iya mabbéré pangissengeng passalenna iya makessingngé sibawa majaé. Narékko muwanréi iyaro buwaé, matéko matti."



15

Makkedai Allataala, "De'namakessing tolinoé tuwo alé-aléna," Maélo-Ka mabburengngi sellao iya sicoco'é untu' bantui. Nanatiwi manenna sininna rupa olokolo' sibawa manu'-manu' lao ri Adam. Iyakiya polé ri iyamanennaro, de'gaga sellao iya sicoco'é untu' bantui.



16

Allataala napamemme'ni tinrona Adam. Nainappa naalani seddi bukurusu'na, nanaébbuna seddi makkunrai pole ri rusu'éro. Makkunrai iya naébbu'é Allataala sicoco' tongengngi mancaji sellao untu' Adam.



17

Allataala napancajiwi sininna séuwa-séuwaé enneng esso éttana. Ri esso makapitué mappésauna Allataala polé ri jama-jamanna. Rilaleng dare' Eden, Adam sibawa Hawa bainéna tuwoi siwollom-pollong sibawa Allataala. Allataala mancajiwi Puanna, pattumaninna, sibawa sellaona.



18

Riwettuna Puangngé pancajiwi seuwa-seuwaé

Seddi curita polé riada-adanna Puang Allataala, Al Kitab,

niruntu' rilaleng

Kajajiyang 1-2

"Rekko ripakanessai, ma'bbéréi tajang pappaguruwam-Mu." Mazmur 119:130

19

Paccappureng

1



60

20

Iyaré curita pole ri Al-Kitab powadai passalenna Puang kaminang malebbi'é iya puraé pancajiki,' naiya maélo' toi kuammengngi idi' misseng toi Aléna.

Puangngé naissengngi makkeda purai ri pogau maja'é, iya riasengngé dosa. Pahukkungenna dosaé iyanaritu amateng, iyakiya Puangngé makkumani namaséi ki' na nabbéréangngi Ana' tungke'na, Isa, untu' maté ri aju sall'i'é sibawa tarimai pahukkungenna dosaé. Isa réwe'I ri atuwongngé sibawa lisui ri bola ri Suruga! Narékko mateppe'ki lao ri Isa na marellau ki' addampengeng lao ri dosata, maéloI pogau'I! MaéloI muttama sibawa monro ri laleng atuwommu, sibawa maéloI tuwo sibawaki' manennungeng.

Narékkko mateppe'ki' makkedaé tongengngi iya ada-adaé, powadai makuwa lao ri Puangngé:

O Isa, mateppe'ka makkeda Idi' natu Puang, purani' mancaji tau lino enrengngé maté ri dosa-dosa ku, iyakiya makkekkuwangngé tuwoki' paimeng, Muttamaki' ri laleng atuwokku sibawa addampengengngi dosa-dosaku, kuwammengngi weddingngi ku tarimai atuwong mabarué, sibawa engka wettu kuwammengngi weddikka' sibawa ki' mannennungeng. Tulungka' maccowé ri Idi' sibawa tuwo pada-pada ana'ta. Amin.

Bacai kitta'é sibawa abbicarak'i' lao ri Puangngé esso-esso! Yohanes 3:16